

職方典第一千一百三十三卷

漢陽府部藝文三

詩

漢川詠懷

二首

晉阮籍

二妃游漢濱逍遙順風翔交甫懷環佩婉孌有芬芳猗靡情歡愛千載不相忘傾城迷下蔡容好結
中腸感激生憂思萱草樹蘭房膏沐爲誰施其雨怨朝陽如何金石交一旦更離傷湛湛長江水
上有楓樹林皐蘭被逕路青驪遊駸駸遠望令人悲春氣感我心三楚多秀士朝雲進荒淫朱華振
芬芳高蔡相追尋一爲黃鶴哀涕下誰能禁

登江州百花樓懷荆楚

梁元帝

目極纔千里何由望楚津落花洒行路垂柳拂砌塵柳絮飄春雪荷珠漾水銀試酌新清酒遙勸陽
臺人

贈海法師遊甌山

蕭子雲

真心好丘壑偏悅幽棲人忽聞甌山旅萬里自相親沉寥晚霖霽重疊晴雲新秋至蟬鳴柳風高路

古今圖書集成
起塵動予憶山思惆悵惜荷巾

和登江州百花樓詠

陳陰鏗

江陵一柱觀潯陽千里潮風烟望似接川路恨成遙落花輕未下飛絲斷還飄藤長還依格荷生不避橋陽臺可憶處惟有暮將朝

渡漢江

唐李百藥

東流既瀾瀾南紀信滔滔水激沉碑岸波駭弄珠臯含章映淺石浮蓋下奔濤溜闊電光近川長曉氣高檣烏轉輕翼戲鳥落風毛客心既多緒長歌且代勞

江濱梅

王適

忽見寒梅樹開花漢水濱不知春色早疑是弄珠人

古詩

陳子昂

朝發宜都渚浩然思故鄉故鄉不可見路隔巫山陽巫山綵雲沒高丘正微茫佇立望已久涕淚沾衣裳豈茲越鄉感憶昔楚襄王朝雲無處所荆國亦淪亡

九真山靜居寺謁無碍上人

沈佺期

大士生天竺分身化日南人中出煩惱山下卽伽藍小澗香爲刹危峯石作龕候禪青鵠乳窺講白猿參藤愛雲間壁花憐石下潭泉行幽供好林挂浴衣堪弟子哀無識醫王惜未談機疑聞不二蒙昧卽朝三欲究因緣理聊寬放棄慚超然虎谿夕雙樹下虛嵐

漢江

宋之問

嶺外音書斷經冬復歷春近鄉情更切不敢問來人

漢江宴別

前人

漢廣不分天丹移杳若仙秋虹映晚日江鶴弄晴烟積水浮冠蓋遙風逐管絃嬉游不可極留恨此

山川

陽臺山

張九齡

庭樹日衰颯風霜未云已駕言遣憂思乘興求相似楚國茲故都蘭臺有餘址傳聞襄王世仍立巫山祀方此全盛時豈無嬋娟子色荒神女至魂蕩宮觀啟蔓草今如積朝雲爲誰起

江上

前人

長林何繚繞
遠水復悠悠
盡日餘無見
爲心那不愁
憶將親愛別
行爲主恩酬
感激空知此
芳時屢已過

寒夜江口泊舟

儲光義

寒潮信未起
出浦纜孤舟
一夜苦風浪
自然增旅愁
吳山遲海月
楚火照江流
欲有知音者
吳鄉誰可求

漢陽卽事

前人

楚國千里遠
誰知方寸違
春遊懽有客
夕寢賦無衣
江水帶冰綠
桃花隨雨飛
九歌有深意
捐佩乃言歸

思夫人廟

王維

莫以今時寵
遂忘舊日恩
看花滿眼淚
不共楚王言

行出東山望漢川

孟浩然

異縣非吾土連山盡綠簷平田山郭少盤坂入雲長萬壑歸于漢千峯割彼蒼猿聲亂楚峽人語帶
巴鄉石上攢椒樹藤間綴蜜房雪餘春未暖嵐解晝初陽征馬疲登頓歸帆愛渺茫坐欣沿溜下信
宿見維桑

漢中漾舟

前人

漾舟逗何處神女漢臯曲雲罷水復闊春潭十丈綠輕舟恣往來探玩無厭足波影搖妓釵沙光逐
人目傾盃魚鳥醉聯句鶯花續良會難再逢日入須秉燭

早寒江上有懷

前人

木落雁南度北風江上寒我家襄水上遙隔楚雲端鄉淚客中盡孤帆天際看迷津欲有問平海夕
漫漫

江上聞笛

王昌齡

橫笛怨江月扁舟何處尋聲長楚山外曲繞胡關深相去萬餘里遙傳此夜心寥寥浦溆寒響盡惟
幽林不知誰家子復奏邯鄲音水客皆擁棹空霜遂盈襟羸馬望北走遷人悲越吟何當邊草白旌

節隴城陰

江上春歎

岑參

臘月江上暖南橋新柳枝春風觸到處憶得故園時終日不如意出門何所之從人覓顏色自是弱男兒

江南行

張潮

茨菰葉爛別西灣蓮子花開尙未還妾夢不離江水上人傳郎在鳳凰山

送崔驥漢陽縣

李頎

中外相連弟與兄新加小縣子男名纔年二十佩銅印知爾絃歌漢水清

陽臺山

李白

我到巫山渚尋古登陽臺天空綵雲滅地遠清風來神女去已久襄王安在哉荒淫竟淪沒樵牧徒悲哀

江上吟

前人

木蘭之樾沙棠舟玉簫金管坐兩頭美酒樽中置千斛載妓隨波任去留仙人有待乘黃鶴海客無
心隨白鷗屈平詞賦懸日月楚王臺榭空山丘興酣落筆搖五嶽詩成笑傲凌滄洲功名富貴若長
在漢水亦應西北流

漢東樓

前人

彼美漢東國川藏明月輝誰知喪亂後更有一珠歸

游衡嶽過漢陽雙松亭留別族弟浮屠談皓

前人

秦欺趙氏璧却入邯鄲宮本是楚家玉還來荆山中符彩照滄溟精輝凌白虹青蠅一相點流落此
時同卓絕道門秀談元乃支公延羅結幽居剪竹繞芳叢涼風拂戶牖天籟鳴虛空憶我初來時
菊開景風今茲大火落秋葉黃梧桐水色夢沅湘長沙去何窮寄書訪衡嶠但與南飛鴻

江上

杜甫

江上日多雨蕭蕭荆楚秋西風下水葉永夜攬貂裘勳業頻看鏡行藏獨倚樓時危思報主衰謝不
能休

江漢

前人

江漢思歸客乾坤一腐儒片雲天共遠永夜月同孤落日心猶壯秋風病欲蘇古來存老馬不必取
長途

登舟將適漢陽

前人

春宅棄汝去秋帆催客歸庭蔬尙在眼浦浪已吹衣生理飄蕩拙有心遲暮蓮中原戎馬盛遠道素
書稀寒雁與時集檣烏終歲飛鹿門自此往永思漢陰機

宿白沙驛

前人

水宿仍餘照人烟復此亭驛邊沙靄白湖外草新青萬象皆春氣孤槎自客星隨波無限月的的
南溟

息夫人廟

劉長卿

寂寞應千載桃花想一枝路人看古木江月向空祠雲雨飛何處山川是舊時獨憐春草色猶似憶
佳期

漢陽獻李相公

前人

退身高臥楚城幽，獨掩閒門漢水頭。
春雨中行逕沒暮山江上捲簾愁，幾人猶憶孫弘閣，百口同乘范蠡舟。
早晚却還丞相印，十年空被白雲留。

聞虔河州有替將歸上都登漢東城寄贈

前人

淮南搖落客心悲，渭水悠悠恨別離。
早雁初辭舊關塞，秋風先入古城池。
腰章建隼皇恩賜，露冕臨人白髮垂。
惆悵夫君先我去，漢陽耆老憶旌麾。

江行二首

錢起

景夕殘霞落，秋寒細雨晴。
短纓何處濯，丹在月中行。
江流何渺渺，懷古獨依依。
漁父非賢者，蘆中但有磯。

江上送客

李端

故人南去漢江陰，秋雨蕭蕭夢澤深。
江上見人應下淚，由來遠客易傷心。

江上逢司空曙

前人

共有髫年故相逢萬里餘新春兩行淚故國一封書夏口帆初落潯陽雁已疎惟當執盃酒暫食漢江魚

江上夜咏

櫺德與

猿聲到枕上愁夢紛難理寂寂深夜寒清霜落秋水

漢上題韋氏莊

戎昱

結茅同楚客卜築漢江邊日落數歸鳥夜深聞扣舷水痕侵岸柳山翠借廚烟調笑提筐婦春來蠶幾眠

江城秋霽

前人

霽後江城風景涼豈堪登眺只堪傷遠天蟠螭收殘雨映水鷗鷺近夕陽萬事無成空過日十年多難未還鄉不知何處銷茲恨轉覺愁隨夜夜長

晚登江樓有懷

李嘉祐

獨坐南樓佳興新青山綠水共爲鄰爽氣遙分隔浦岫斜光偏照渡江人心閒鷗鳥時相近事簡漁

竿私自親祇憶帝京不可到秋琴一弄欲沾巾

題陽臺山女郎石

劉禹錫

巫山十二鬱蒼蒼片石亭亭號女郎晚霧乍開疑捲幕山桃欲謝似殘粧星河靜夜聞清佩雲雨歸時帶異香何事神仙九天上人間來就楚襄王

女郎山

前人

鄂渚濛濛烟雨微女郎魂逐暮雲歸祇應常在漢陽渡化作鴛鴦一對飛

晚泊江口

韓愈

郡城朝解纜江岸暮依村二女竹上淚孤臣水底魂雙雙歸鰓燕一一叫羣猿迴首那聞語空看別袖翻

臨川驛

柳宗元

驅車方向闕回首一臨川多壘非余恥無謀終自憐亂松知野寺餘雪記山田惆悵樵漁事今還又落然

宿江店

張籍

野店臨寒浦門前有橘花停燈待賈客賣酒與漁家夜靜江水白路迴山月斜閒尋舟泊處潮落見平沙

寄漢上故人

前人

知君漢陽住烟樹遠重重歸使雨中發寄書燈下封同時買江塢今日別雲松欲問新移室青蘿最北峯

江上旅泊

張祜

楚塞南行久秦城北望遙少年花已過衰病柳先凋客淚收迴日鄉心寄落潮殷勤問春鴈何處是烟霄

買山吟

于鵠

買得山居近漢陽
檉籬疎處種桃榔
惟有獼猴來往熟
弄人拋果滿書堂

過楚宮

李商隱

巫峽迢迢舊楚宮至今雲雨暗丹楓浮生盡戀人間樂只有襄王憶夢中

江行二首

司空圖

地闊分吳塞楓高映楚天迴塘春盡雨方響夜深船行紀添新夢羈愁甚往年何時京洛路馬上見人煙初程風信好迴望失津樓日帶潮聲晚烟含楚色秋戍旗當遠客島樹轉驚鷗此去非名利孤帆任白頭

思夫人廟

杜牧

細腰宮裏露粧新脉脉無言度幾春竟致思亡緣底事可憐金谷墜樓人

漢水二首

前人

溶溶漾漾白鷗飛綠淨春深好染衣南去北來人自老夕陽長送釣船歸漢江一帶碧流長兩岸春風起綠楊借問膠舟何處渡欲停蘭棹祀昭王

三十六灣

許渾

縹緲臨風思美人荻花楓葉帶灘聲夜深吹笛移船去三十六灣秋月明

南樓春望

前人

南樓春一望雲水共昏昏野店歸山路危橋帶郭村晴烟和草色夜雨長溪痕下岸誰家住殘陽半掩門

漢水傷稼

前人

西北樓開四望通殘霞成綺月懸弓江村夜漲浮天水澤國秋生動地風高下綠苗千頃盡新陳紅粟萬箱空才微分薄憂何益却欲回心學釣翁

漢陽

雍陶

漢陽無近遠見說過汾城雲雨經春客江山幾日程終隨鷗鳥去祇待海潮生前路逢漁父多愁問姓名

宿陽臺觀

馬戴

玉洞仙何在爐香客獨熏醺壇古木石磬響寒雲曙月孤霞映懸流峭壁分心知世上隔坐與鶴爲羣

漢上逢崔八同年

李頻

去歲同遊帝里春杏花過後各離秦偶先託質同知己獨未還家作旅人世上路岐何繚繞空中光景不逡巡一回相見一回別更得幾時年少身

宿江口

于武陵

南渡人來絕喧喧燕滿沙自生江上月常有客思家半夜下霜岸北風吹荻花自驚歸夢斷不得到天涯

漢陽春曉

李群玉

漢陽抱青山飛樓映湘渚白雲蔽黃鶴綠樹藏鸚鵡憑高送春日流恨傷千古遐想禰衡才令人怨黃祖

太白樓

前人

江上層樓翠靄間滿簾春雨滿簾山青楓綠草將愁去遠入吳雲暝不還

江樓閒望懷關內親知

前人

搖落江天欲盡秋，遠鴻高送一行愁。
音書寂絕秦雲外，身世蹉跎楚水頭。
年貌暗隨黃葉去，時情深付碧波流。
風淒日冷江光晚，駐目寒空獨倚樓。

江行

鄭谷

漂泊病難任，逢人淚滿襟。
關東多事日，天末未歸心。
夜雨荆江闊，春雲鄂樹深。
殷勤聽漁唱，漸漸入吳音。

漢陽王故宅

張柬之也

皮日休

碑字依稀廟已荒，猶聞耆舊憶興王。
園林一半爲他主，山水虛言是故鄉。
戟戶野蒿生翠瓦，舞樓棲鴿汚雕梁。
格天功業緣何事，不得終身似霍光。

晚泊漢江渡

劉敞

末秋雲水輕蓮折，晚香清雨下侵苔。
色雲涼出浪聲疊，帆依岸盡微照夾隄。
明津吏已頭白遙知客姓名。

晚泊漢陽渡

王貞白